



ARAUDIA

2022KO IBILBIDEKO TXIRRINDULARITZA

Eusko Jaurlaritzaren Jarduera Fisikoaren eta Kirolaren Zuzendaritzak, Euskadiko Txirrindularitza Federazioarekin lankidetzan, EUSKADIKO XXXIX. ESKOLARTEKO KIROL JOKOAK antolatuko ditu Arratzua Ubarrundian, Arroiaben, (Araba), 2022ko maiatzaren 29an. Hona hemen arautegia:

1. PARTE HARTZAILEAK

"EUSKADIKO XXXIX. ESKOLARTEKO KIROL JOKOAK" infantilentzat antolatzen dira (2008 edo 2009 urtean jaioetako ikasleentzat). Gehienez kategoriako (neska eta mutiletan) 25 ikaslek parte hartuko dute lurralde historiko bakoitzeko.

2. IZEN EMATEA

"EUSKADIKO XXXIX. ESKOLARTEKO KIROL JOKOETAN" parte hartzeko izen ematea, Foru Aldundi bakoitzaren bitartez egin behar da, maiatzak 20eko 15:00ak baino lehenago.

Lurraldeetako Foru Aldundiek Eusko Jaurlaritzako Jarduera Fisikoaren eta Kirolaren zuzendaritzara igorritako zerrendetan azaltzen ez diren txirrindulariak parte hartzeko aukerarik ez dute izango.

Lurraldeetako ordezkariak izen emateak baieztatu beharko dituzte egun berean.



3. DORSALAK JASOTZEA

Dorsalak Arroiabeko erdigunean jasoko dira. Bolatokian.

4. JOKO ARAUAK

- Honako baldintza hauek betetzen dituen edozein bizikletarekin parte hartu daiteke: baimenduriko garapen maximoa 6.40 m-koa (48X16koa). Horretarako beharrezkoa bada, platoa eta/edo piñoiaren blokeoa ezarri beharko da.
- Eskulekuaren zabalera 50 zentimetrokoa gehienez.
- Disko-frenoak erabiltzeko aukera izango da.
- Txirrindulariak gynkanan eta lineako proban pedal berdinak erabili beharko dute.
- Parte-hartzaile guztiek ikastetxeek edota txirrindularitza eskolek emandako jantziak erabiliko dituzte.
- Kasko zurrunak erabiltzera derrigortuta daude lasterkariak.
- Bizkarreko zenbakia ikusi dadin zira gardenak erabili behar dituzte lasterkariak.
- Berotzeko arropa erabiliz gero, bizkarreko zenbakia begi-bistan eraman.

Bere burua defendatzera beharturik dago lasterkari bakoitza; kirol-lehiaketa guztiei dagokien joko garbiaren aurka doan lasterkarien arteko edozein laguntza edo akordio debekaturik dago.

Euskadiko Txirrindularitza Federazioak emandako bizkarreko zenbakiak eramango dituzte lasterkariak. Bizkarreko zenbaki horiek ezin dira ez ebaki, ez txikiagotu, eta lasterkariak bizkarraren ezkerrean jarrita eramango dituzte, mokorraren parean.



5. GYMKANA PROBA

Honako ariketa eta puntuaketa-irizpideak hartuko dira kontutan:

1- Gutxi gorabehera 1.900 m-ko distantzai laua

Istripu mekanikoa gertatuz gero, txirrindulariek laguntzarik gabe egon ez daitezen, bertaratze-postuak jarriko dira 1.900m-ko tartean. Postu horietan, laguntza teknikoa eskainiko zaie parte-hartzaile guztiei. Edozein federaziotakoak direla ere, eta ETxFko ordezkariak banatu eta antolatuko ditu.

Probako garailea izango da ibilbide teknikoa eta 1.900 metro lau inguruko distantzia osatzeko denborarik laburrena duena, penalizazioen batura barne.

Berdinketarik izanez gero, hobeto sailkatuko da penalizazio-denbora gutxien lortu duena.

Ariketaren bat egiten ez bada, zigorra minutu batekoa izango da aurreikusitako gehieneko penalizazioa gehituta.

2- Laberinto sinplea

8 kono guztira. Konoen arteko distantzia: metro eta erdi.

Zigorra: 5" kono bat botatzeagatik, 10" bi konoengatik, 25" hiru kono edo gehiagoengatik.

3- 5mko pasagune estua eta 15zmko zabalera

Adierazitako neurria duten listoen gainean. Zigorra: ibilbidetik ateratzea 10".

4- Altuerako pasagunea

Gutxi gorabeherako altuera: 1,3 m. Zigorra, 5" botatzen bada.

5- Surplace

5 segundotan gelditzea. Zigorra: ez egitea 15".

6- Zirkuluari bira eman

3 metrotako diametroa duen zirkulua. 1 ½ bira ematea.

Zigorra: 15" zirkulutik irteten bada edo ez baditu 1 ½ bira betetzen.

7- Kurba nabarmena eskuinera

Konoekin mugatutako kurba nabarmena. Zigorra: 10" kurbaren ibilbidetik irteten bada.

8- Kurba nabarmena ezkerrera

Konoekin mugatutako kurba nabarmena. Zigorra: 10" kurbaren ibilbidetik irteten bada.

9- Balantzina

Zigorra: 10" pasatzen ez badu.



10- Bidoiaren jasotzea

50 zmtako diametroa duen zirkulu batean kokatuta dagoen bidoia, jaso behar da eta 5 metrotara dagoen, diametro berdineko borobil batera eraman.

Zigorra: 5" hartu eta dagokion zirkuluan kokatzen ez bada eta 10" lehenengo zirkulutik hartzen ez bada.

11- Kurba bikoitza

Konoekin mugatutako kurba bikoitza. Zigorra: 10" kurbaren ibilbidetik irteten bada.

12- Xurrunbilo exozentrikoa

Zigorra; 10" pausuren bat egiten ez badu eta 30" 2 pausu edo gehiago egiten ez baditu.

Ariketa batetik bestera 1,5 m-ko tartea utzi behar da.

6. ZIRKUITUKO EDO LINEAKO PROBA

Arau orokor bezala, txirrindulariek gehienez luzera hauek egingo dituzte

Neskatan: 12 km

Mutiletan: 17 km

Parte-hartzaileek helmuga zeharkatzen duten ordena berean egingo da sailkapena.

Proban zehar parte-hartzaileek ezin dute hornidurarik jaso

Lasterkariak proba utzi behar du lasterketa irekitzen duen ibilgailuak atzematen duenean edo itzulia kentzen dionean.

Irabazleak helmugako marra zeharkatu ondoren, parte-hartzaile guztientzat proba amaituko da hauek helmugako marra zeharkatu ondoren.

6.1. Zirkuituan

Zirkuituaren sokak gutxienez 2,5 km-ko eta gehienez 3 km-ko luzera izango du.

Proban matxura gertatuz gero, ez da onartuko kanpoko laguntza.

6.2. Lineako proban

Sokaren kiribilik balego, gutxienez 6 km-ko luzera izan beharko du.

Proban matxura izanez gero, kanpoko laguntza onartuko da, bertan zirkulatzen duten laguntza neutroko ibilgailuetatik.



Laguntza mekaniko neutroko ibilgailuen ordena:

Probaren buruan, laguntza neutroko ibilgailu bat joango da. Lurralde federazio bakoitzeko teknikari lizentziadun batek eramango du ibilgailua.

Ibilgailua, zein gidari gisa diharduen teknikaria, lehiaketa jokatzeko den Lurralde Federazioaren esku jarri behar dira..

Tropelaren atzean, Lurralde Federazio bakoitzak laguntza mekaniko neutroko ibilgailu bat izango du. Ibilgailu bakoitza gidari batek eta mekanikari batek beteko dute, biak ere indarrean dagoen lizentzia izango dutenak.

Parte hartzen duten txirrindulari guztiei laguntza tekniko eskainiko zaie, Federazioa edozein izanda ere. Betiere, tropelaren atzean joango dira.

Tropelaren atzean doazen laguntza ibilgailuak, ETxF erakundeak zozketa bidez aldezturik ezarritako lurralde-federazioen txandaren arabera joango dira.

Tropel atzean dagoen lehen laguntza ibilgailua txirrindulari bati laguntzera joan denean, laguntza teknikoko ibilgailuen ilaran azken postuan egotera pasako da:

- A. Txirrindulariei laguntza edo asistentziatzat hartuko da, laguntza teknikoko ibilgailuko bidaiariak txirrindulariari laguntzeko ibilgailutik irten beharra dutenean.
- B. Txirrindularien jantziak martxan hartzea ez da asistentzia gisa kontuan hartu behar.
- C. Hainbat asistentzia ibilgailuren beharra dagoen erorketa masiboa (pilaketa) emango balitz, lehen ibilgailua soilik kontsideratuko da asistentzia gisa. Beraz, ibilgailu horrek, tropel atzeko ibilgailuen azken lekua hartuko du.
- D. Salbuespenezko kasuak epaimahai teknikoak eta ETXFren ordezkariak ebatziko dituzte.

Laguntza neutroko ibilgailuek lurralde-federazioek emandako ordezkari gurpil konbentzionalak izango dituzte; ez dute disko-balaztetarako gurpilik izango.

Edozein modutan ere, ibilgailu guztiek zorrotz jardungo dute Epaimahai Teknikoak emandako jarraibideen arabera.



7. AMAIERAKO SAILKAPENA

Lineako eta Gynkanako probetan banandutako sailkapenak egingo dira. Sailkatua izateko bi frogetan parte hartu beharra dago.

8. KONTUAN IZATEKOAK.

Euskadiko Txirrindularitza Federazioak parte-hartzaileen osotasuna bermatzen duten baldintzak betetzen ez direla uste badu, federazioak proba etetea erabakitzeke ahalmena izango du.

Istripuren bat edo ustekaberen bat gertatuz gero, berehala jakinarazi beharko zaio zirkuituan dagoen erakundeak izendatutako arduradunari. Pertsona horrek zuzenduko ditu egin beharreko urratsak.

9. AZKEN OHARRA

Araudi horren barruan aurreikusirik ez dauden egoeretarako honako hauek izango dira kontutan:

- a. 14/ 1998 LEGEA, Ekainaren 11koa, Euskadiko kirolarena.
- b. 125/2008 DEKRETUA, Uztailaren 1ekoa, Eskola Kirolarena.
- c. 391/2013 DEKRETUA, uztailaren 23koa, eskola-kiroleko lehiaketen diziiplina-araubideari buruzkoa
- d. Eusko Jaurlaritzako Kultura eta Hizkuntza Politika Sailburuaren 2022ko urtarrilaren 10eko AGINDUA, 2022ko Euskadiko Eskolarteko Kirol Jokoen XXXIX. edizioaren deialdia egiteko dena
- e. Eusko Jaurlaritzako Jarduera Fisikoaren eta Kirolaren Zuzendariak, 2022ko urtarrilaren 16ko EBAZPENA, 2022ko Euskadiko Eskolarteko Kirol Jokoen XXXIX. edizioaren epaile bakarria izendatzen dena.
- f. Txirrindularitzako Euskadiko Federazioaren araudiak dioena.

Euskara eta gaztelaniazko araudien interpretazioetan ezberdintasunak izan ezkerro, jatorrizko hizkuntza lehentasuna izango du.